

ԿԱՌԱՎԱՐՈՒԹՅՈՒՆ

ՕԳՈՍՏՈՍԻ 1-ԻՑ ՈՒԺԻ ՄԵՋ Է ՄՏՆՈՒՄ ՅՈՂԻ ԳՐԱՆՑՄԱՆ ՕՐԵՆՔԸ

Հուլիսի 28-ին, Վրաստանի վարչապետ Գիորգի Կվիրիկաշվիլու նախագահությամբ, անցկացվեց երկրի կառավարության հերթական նիստը:



Նիստում Վրաստանի կառավարության ղեկավարը հայտարարեց, որ օգոստոսի 1-ից ուժի

օրենքը, որը մի կողմից կնպաստի գյուղատնտեսության զարգացմանը, իսկ մյուս կողմից՝ կկարգավորի հողի շուկայում ստեղծված իրավիճակը:

Գիորգի Կվիրիկաշվիլու հայտարարությամբ, այսօրվա դրությամբ գրանցված է հողերի միայն 25 տոկոսը, ինչը նշանակալի հիմնախնդիր է, առաջին հերթին՝ մասնավոր հատվածի համար, քանի որ բնակչությունը չի կարողանում իրականացնել իր սեփականության ներքո գտնվող

(Շարունակությունը՝ 2-րդ էջում)

ԻՐԱՎԱԿԱՆ

ՕՐԱԿԱՐԳՈՒՄ ԴԱՏԱՎՈՐՆԵՐԻ ՆԿԱՏՄԱՄԲ ԳՈՐԾԱԴՐԱԾ ԾՆՇՄԱՆ ԹԵՄԱՆ ԷՐ

Վրաստանի նախագահ Գիորգի Մարգվելաշվիլին եւ վարչապետ Գիորգի Կվիրիկաշվիլին առանձին-առանձին հանդիպում ունեցան Սահմանադրական դատարանի նախագահ Գիորգի Պապուաշվիլու հետ: Հանդիպմանը կողմերը քննարկեցին օրերս Սահմանադրական դատարանի նախագահի կողմից մարդկանց որոշակի խմբի կողմից Սահմանադրական դատարանի անդամների վրա գործադրվող ճնշման մասին արված հայտարարությունը:



Ինչպես հայտարարեց Գիորգի Մարգվելաշվիլ-



լին, Սահմանադրական դատարանի նախագահը ներկայացրել է դատավորների վրա ճնշում գործադրելու կոնկրետ փաստեր:

Վրաստանի նախագահը հայտարարեց, որ, որպեսզի կարողանան «Հա-

(Շարունակությունը՝ 3-րդ էջում)

ՀՊԿՏԵՄԲԵՐԻ 8-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ՀԱՆԴԻՊՈՒՄ՝ ԿՈՒՍԱԿՈՒԹՅՈՒՆՆԵՐԻ ՈՒ ՄԱՐԶԱՅԻՆ ԸՆՏՐԱՀԱՆՁՆԱԺՈՂՈՎՆԵՐԻ ՆԵՐԿԱՅԱՅՈՒՅԻՉՆԵՐԻ ՀԵՏ



Հուլիսի 25-ին Վրաստանի Կենտրոնական ընտրական հանձնաժողովի նախագահ Թամազ Ժվանիան Կախեթիում հանդիպում ունեցավ քաղաքական կուսակցությունների եւ մարզային ընտրահանձնաժողովների ներկայացուցիչների հետ:

Հ ա ն - ղիպման գլխավոր թեմայի շուրջ քննարկվեցին ընտրության փուլերի գործունեությունը: Քաղաքական կուսակցությունների եւ ոչ կառավարական կազմակերպությունների մասնակցությամբ, հանդիպումներն արդեն անցկացվել են Քութայիսիում եւ Բաթումիում:

ԳԻՈՐԳԻ ԿՎԻՐԻԿԱՇՎԻԼԻ. «ԱՆՀՐԱԺԵՇՏ Է ԱՌԱՎԵԼ ՄԻԱՍՆՈՒԹՅՈՒՆ, ՊԱԿԱՍ՝ ԹՇՆԱՄՈՒԹՅՈՒՆ ԵՎ ՇԱՏ՝ ՀԱՆԴՈՒԹՅՈՒՆ ԳՐԱԿԱՆՈՒԹՅՈՒՆ»

ՀԵՂԱԾՈՒՄԱԿԱՆ ՓՈԳՈՒՄՈՒԹՅՈՒՆՆԵՐ՝ ԷԿՈՆՈՒՅԻԱՅԻ ՈՒԴԻՈՎ

«Վրացական երազանք-ժողովրդավարական Վրաստան» կուսակցությունը շարունակում է իր նախընտրական քարոզարշավը:

Քարոզարշավի շրջանակներում, Վրաստանի վարչապետ Գիորգի Կվիրիկաշվիլին Չոխատաուրիում ներկայացրեց կուսակցության Մեծամասնական պատգամավորության թեկնածուներին եւ կուսակցության նախընտրական ծրագիրը: Իր խոսքում, վարչապետը, անդրադառնալով երկրում ընթացող իրադարձություններին, հայտարարեց.

«Մեզ անհրաժեշտ է ավելի շատ խաղաղություն եւ կայունություն, ուստի պետք է հանգստացնել մեր հասարակայնությանը, վերջ տալ դիմակայությանը, բեւեռացմանը: Մենք նման պերճանքի հնարավորություն չունենք եւ առավելա-



դույնս պետք է միավորվենք երկ-

(Շարունակությունը՝ 2-րդ էջում)

ԱՄԲԱՍԱԴՐՈՐՅԱԼ

ՀԱՆՐԱԳՈՒՄԱՐՎԵՅԻՆ ՏԱՐՎԱ ԱՐԴՅՈՒՆՔՆԵՐԸ ԵՎ ԿԱՆԽԱԳԾՎԵՅԻՆ ԱՌԱՋԻԿԱՅԻ ՀԵՌԱՆԿԱՐՆԵՐԸ

ԱՄԲԱՍԱԴՐՈՐՅԱԼԻՆ ՄԱՍՆԱԿՑԵՑԻՆ ԵՎ ԵԼՈՒՅԹ ՈՒՆԵՑԱՆ ՎՐԱՍՏԱՆԻ ՆԱԽԱԳԱՐԸ ԵՎ ԿԱՐԶԱՊԵՏԸ

Հուլիսի 26-29-ին Թբիլիսիում անցկացվեց արտասահմանում աշխատող վրաց դիվանագետների ամենամյա հերթական հանդիպումը՝ ամբաստորոյալը: Ամբաստորոյալում ելույթ ունեցան Վրաստանի նախագահ Գիորգի Մարգվելաշվիլին, վարչապետ Գիորգի Կվիրիկաշվիլին, արտաքին գործերի նախարար Միխեիլ Ջանելիժեն:



Ամբաստորոյալի բացմանը ներկա էին նաեւ Վրաստանի գործադիր եւ օրենսդիր մարմինների, Վրաստանում հավատարմագրված դիվանագիտական կորպուսի ներկայացուցիչները, վրացական դիվանագիտական առաքելություն-

ների ղեկավարները եւ հատուկ հանձնարարությունների ղեկավարները: Պատվավոր հյուրի կարգավիճակով, ամբաստորոյալի աշխատանքին մասնակցեցին Հուն-

(Շարունակությունը՝ 2-րդ էջում)

ՍՈՑԻԱԼԱԿԱՆ

ՀԱՐՑՄԱՆ ԱՐԴՅՈՒՆՔՆԵՐԸ՝ ՀԱՆՐՈՒԹՅԱՆ ՈՒՇԱԴՐՈՒԹՅԱՆ ԿԵՆՏՐՈՆՈՒՄ



ԱՄՆ-ի Ազգային ժողովրդավարական ինստիտուտի (NDI) կողմից Վրաստանում ընթացիկ տարվա հունիսի 8-ից հուլիսի 6-ը անցկացվեց սոցիոլոգիական հետազոտություն: Հարցմանը մասնակցել է ավելի քան 4 հազար մարդ:

ԱՆԽԱՏԱՏԵՂԵՐԸ ԵՎ ԱՐՔԱՏՈՒԹՅՈՒՆԸ՝ ԱՌԱՋԱՅԻՆ ՀԻՄՆԱՆԻԴԻ Վզգային ժողովրդավարական ինստիտուտի հարցման արդյունքներով, երկրի բնակչության համար առաջնայինը աշխատատեղերն ու աղքատությունն են:

Այսպես, հարցին, թե ո՞րն էք համարում ամենակարեւոր ազգային հարցը, հարցման արդյունքներով, առաջին եւ երկրորդ տեղերը գրավեցին աշխատատեղն ու աղքատությունը: Ըստ առաջնահերթության, հինգ կարեւոր հիմնախնդիրների թվում են տարածքային ամբողջականությունը, զենքի բարձրացում-արժեզրկումը եւ կենսաթոշակը:

ՀԱՐՅԱՆ ԱՐԴՅՈՒՆՔՆԵՐՈՎ, 63 ՏՈՒՆՈՒՆ ԻՐԵՆ ՀԱՄԱՐՈՒՄ Է ԳՈՐԾԱԶՈՐԿ

Միացյալ Նահանգների ազգային ժողովրդավարական ինստիտուտի (NDI) անցկացրած հարցման արդյունքում, դրա մասնակիցների 63 տոկոսն իրեն համարում է գործազուրկ, միայն 36 տոկոսն է գտնում, որ ինքն ունի մշտական աշխատանք:

Հատկանշական է, որ այդ հարցում նկատվել է որոշակի տարիքային դիֆերենցիա: Մասնավորապես, 18-35 տարեկան հարցման ենթարկվածները գտնում են, որ իրենք գործազուրկ են այն դեպքում, երբ 36-55 տարեկանների շրջանում դա այդպես է համարում հարցման ենթարկվածների 51 տոկոսը, 56 եւ ավելի տարիքի մարդկանց հարցման արդյունքում, գործազուրկների թիվը գերազանցել է 75 տոկոսը:

ԵԹԵ ՎԱՐՆ ԱՆՅԿԱՅՎԵՆ ԸՆՏՐՈՒԹՅՈՒՆՆԵՐ

Եթե վաղն անցկացվեն ընտրություններ, ապա NDI-ի հարցման արդյունքներով, 67 տոկոսը կմասնակցեր դրանք, իսկ 33 տոկոսը գտնում է, որ իր մասնակցությունն ընտրություններին անհմատ է: Ազգային ժողովրդավարական ինստիտուտի նոր հարցման տվ-

(Շարունակությունը՝ 4-րդ էջում)

ԿԱՌԱՎԱՐՈՒԹՅՈՒՆ

ՕԳՈՍՏՈՍԻ 1-ԻՑ ՈՒԺԻ ՄԵՋ Է ՄՏՆՈՒՄ ՀՈՂԻ ԳՐԱՆՑՄԱՆ ՕՐԵՆՔԸ

(Սկիզբը՝ 1-ին էջում)

հողերի կապիտալացումն ու դրա օգտագործումը տնտեսական գործունեության համար:

«Ողջունելի է, որ հողի գրանցման համակարգը դյուրացվեց, պետությունը բնակչությանը օգնում է հողի գրանցման գործընթացում, օգնում է նաեւ ֆինանսական առումով եւ, կարծում եմ, որ դրա ավարտից հետո այդ ուղղությամբ կունենանք բարելավված իրավիճակ: Դա կնպաստի մի կողմից գյուղատնտեսության զարգացմանը, իսկ մյուս կողմից՝ կկարգավորի հողի շուկայի իրա-

վիճակը» հայտարարեց վարչապետը եւ հավելեց, որ դա առաջին հերթին սոցիալական հարց է, քանի որ մեր բնակչության 50 տոկոսից ավելին դեռեւս ներգրավված չէ գյուղատնտեսության ոլորտում, եւ սա նշանակալի նախագիծ է գյուղում մարդկանց պահելու առումով:

Վրաստանի արդարադատության նախարար Թեա Ծուլուկիանու խոսքերով, օրենքով դյուրացվում է մեղիացիայի, տեղեկանքների ստացման եւ նոտարական մյուս սպասարկումները, որոնք քաղաքացիների համար կլինեն անվճար: Նրա տեղեկատվությամբ, վերոնշյալ նախագծից բնակչությունը կկարո-

ղանա օգտվել մեկ տարվա ընթացքում:

«Կկարգավորվի նաեւ հարեւան հողամասերի նախագծերում թույլ տրված սխալների ուղղումը: Մեկ տարվա ընթացքում բոլորը հողերը, որոնց գրանցումը ինչ-ինչ պատճառներով արգելակվել է, պետք է գրանցել»,- հայտարարեց արդարադատության նախարարը:

Վարչապետը արդարադատության նախարարին կոչ արեց հիմնել մեխանիզմ, վերոնշյալ օրենքի շահարկումների կանխման համար: «Նշանակալի է, որ մեզանում հողի գրանցումն իրականացվի հստակ ու թափանցիկ մեխանիզմի միջոցով»,- ընդգծեց վարչապետը:

ԱՄՔԱՍԱՐԴՈՐՅԱԼ

ՀԱՆՐԱԳՈՒՄԱՐՎԵՑԻՆ ՏԱՐՎԱ ԱՐԴՅՈՒՆՔՆԵՐԸ ԵՎ ԿԱՆԽԱԳԾՎԵՑԻՆ ԱՌԱՋԻԿԱՅԻ ՀԵՌԱՆԿԱՐՆԵՐԸ

(Սկիզբը՝ 1-ին էջում)

գարիայի արտաքին գործերի եւ առևտրի նախարար Պիտեր Սիարտոն եւ Հնդկաստանի ԱԳ փոխնախարար Սուջաթ Մուխ-թապը:

Հանդիպման մասնակիցները, Վրաստանի ԱԳ նախարարության ղեկավարության հետ միասին, հանրագումարեցին տարվա արդյունքները եւ կանխագծեցին ապագա գործունեության հեռանկարները:

Իր ելույթում Վրաստանի նախագահ Գիորգի Մարգվելաշվիլին հայտարարեց, որ երկիրը Արեւելյան գործընկերության լիդե-

րն է. «Այդ լիդերությունն արդեն իր արտահայտությունն է գտել այն համաձայնագրերում, որոնք Վրաստանը ստորագրել է Եվրամիության հետ: Մենք արդեն ունենք համաձայնագիր ազատ առևտրի մասին, Ասոցիացման մասին, եւ՝ որպես այդ համաձայնագրերի շարունակություն, սպասում ենք անայցեգրային պայմանակարգի հաստատմանը, ինչը է՛լ ավելի կխորացնի մեր երկրի ինտեգրումը եվրոպական տարածքում»,- հայտարարեց Գիորգի Մարգվելաշվիլին:

Վրաստանի նախագահի

Հարավային Օսեթիայի հետ Ռուսաստանի պայմանագրերի ստորագրումը արհամարհական վերաբերմունք է միջազգային հարաբերությունների եւ միջազգային իրավունքի նկատմամբ:

Ամբաստորյալի շրջանակներում, առաջին անգամ տեղի ունեցավ վրաց դիվանագիտական առաքելությունների ղեկավարների հանդիպումը Վրաստանի քիզնես-ասոցիացիայի ներկայացուցիչների հետ: Դեսպանների համար շնորհանդես անցկացրեց նաեւ Վրաստանի զբոսաշրջության ազգային վարչությունը:

ՀՈԿՏԵՄԲԵՐԻ 8-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ԳԻՈՐԳԻ ԿՎԻՐԻԿԱՇՎԻԼԻ. «ԱՆՀՐԱԺԵՇՏ Է ԱՌԱՎԵԼ ՄԻԱՍՆՈՒԹՅՈՒՆ, ՊԱԿԱՍ՝ ԹՇՆԱՍՈՒԹՅՈՒՆ ԵՎ ՇԱՏ՝ ՀԱՆԴՈՒՐԺՈՂԱԿԱՆՈՒԹՅՈՒՆ»

(Սկիզբը՝ 1-ին էջում)

րի զարգացման իրատեսական ծրագրի շուրջ: Անհրաժեշտ է ավելի շատ միասնություն, պակաս՝ թշնամություն եւ մեծ համբերություն՝ այլախոհության նկատմամբ»,- հայտարարեց վարչապետը եւ հավելեց, որ «Վրացական երազանքը» միակ ուժն է, որ կարող է դրան հասնել:

Վարչապետի խոսքերով, վերջին չորս տարիների ընթացքում իշխանություննե-

րը նշանակալի քայլեր են ձեռնարկել, ինչպես Եվրոպայի եւ Արեւմուտքի, այնպես էլ՝ հարեւան երկրների ուղղությամբ, որպեսզի բացառեն ցանկացած ռազմական դիմակայության մոյլմիսկ տեսական հավանականությունը:

Հուլիսի 25-ին կուսակցության նախագահ, Վրաստանի վարչապետ Գիորգի Կվիրիկաշվիլին Սամեգրելո-Ջեմո Սվանեթի տարածարջանում նշեց, որ ընտրություններում հաղթելու դեպքում, իրենք

մտադիր են իրականացնել հեղափոխական փոփոխություններ Եվրոպիայի ուղիով:

Անդրադառնալով ընթացիկ քարոզարշավի ընթացքին՝ վարչապետը նշեց, որ այն ընթանում է նորմալ: «Առանձին միջադեպերի բացառությամբ, ընդհանուր առմամբ, նախընտրական քարոզարշավն ընթանում է խաղաղ: Բոլորին տրված է իրենց կարծիքը հայտնելու հնարավորություն»,- հայտարարեց վարչապետը:

ՄԻԱՍՆԱԿԱՆ ԱՉԳԱՅԻՆ ՇԱՐԺՄԱՆ ԸՆՏՐԱՅՈՒՅԱԿԸ ԳԼԽԱՎՈՐՈՒՄ Է ԴԱՎԻԹ ԲԱՔՐԱՉԵՆ

ՑՈՒՑԱԿՈՒՄ 30-ՐՈՂԸ ԱՆԱԼՔԱԼԱՔՑԻ ԱՐՍԵՆ ԿԱՐԱՊԵՏՅԱՆԵ Է

Միասնական ազգային շարժումը ներկայացրեց հոկտեմբերի 8-ի խորհրդարանական ընտրությունների կուսակցական ընտրացուցակը, որը գլխավորում է օրենսդիր մարմնի նախկին ղեկավար Դավիթ Բաքրաձեն:

Ընտրացուցակի վերջնական տարբերակն ընդունվել էր կուսակցության քաղաքական խորհրդի հուլիսի 23-ին անցկացված ընդլայնված նիստում: Ցուցակում ներառված է 200 մարդ, որի մի մասը կքվեարկվի ինչպես համամասնական, այնպես էլ՝ մեծամասնական ընտրակարգով:

Ազգային շարժման ընտրացուցակում, բացի Դավիթ

Բաքրաձեից, ընդգրկված են նախկին պետփոխնախարար Էլենե Խոշտարիան, Ռոման Գոցիրիձեն, Նիկա Մելիան, Գիորգի Տուղուշին եւ ուրիշներ:

Ցուցակում 25-րդը Ազեր Սուլեյմանովն է, 30-րդը Խալալ քալաքցի Արսեն Կարապետյանը, 40-րդը՝ Սոֆո Սիուկաեւան, 47-րդը՝ Խալալցիխեցի Գեորգ Շուշանյանը:

ՀՈՐԲԵՆՅԱԼ



ՎՐԱՅԱԿԱՆ ԵՐԳԻ ԼԵԳԵՆԴ ՆԱՆԻ ԲՐԵԳՎԱՉԵՆ 80 ՏԱՐԵԿԱՆ Է

ՀԱՆՐԱՃԱՆԱԾ ԵՐԳՅՈՒՂՈՒՆ ԸՆՈՐՀԱՎՈՐԵՅԻՆ ՎՐԱՍՏԱՆԻ ՆԱԽԱԳԱՆՆ ՈՒ ՎԱՐՉԱՊԵՏԸ ԵՎ ՌՈԽԱՍՏԱՆԻ ՆԱԽԱԳԱՆԸ

Դարի երգչուհի, վրացական արվեստի քրմուհի, վրացական երգի լեգենդ Նանի Բրեգվաձեն հորելյանական շնորհավորանքներ է ընդունում: Վաթսուն տարուց ավելի, նա իր բացառիկ արտիստիզմով, արվեստի նկատմամբ տածած սիրով, անհատականությամբ եւ մարդասիրությամբ հաստատուն տեղ է գրավել երաժշտական արվեստի օլիմպոսում:

Հոբելյանի առթիվ տիկին Նանիին շնորհավորեց վրացապետ Գիորգի Կվիրիկաշվիլին: «Տիկին Նանիին մաղթում եմ քաջառողջություն, անսահման երջանկություն, որ դեռ երկար տարիներ իր տաղանդով հիացնի երկրպագուներին, ինչպես հարազատ Վրաստանում, այնպես էլ՝ նրա սահմաններից


դուրս: Չէ՞ որ նրան գնահատում են աշխարհի բոլոր երկրներում»,- նշեց վարչապետը:

Նանի Բրեգվաձեի 80-ամյակի առթիվ շնորհավորեց նաեւ Ռուսաստանի Դաշնության նախարար Վլադիմիր Պուտինը:

«Հարգելի տիկին Նանի, ընդունեք սրտագին շնորհավորանքներս Ձեր հոբելյանի առթիվ: Վրաստանում, Ռուսաստանում Ձեզ սիրում են Ձեր մեծ ու յու-

րահատուկ տաղանդի, անկեղծության եւ հիանալի երգեցողության համար, որը հոգու ջերմությամբ նվիրում էք ունկնդիրներին»,- ասված է ՌԴ նախագահի շնորհավորական ուղերձում:

«Վրաստան» թերթը եւս իր աշխատակազմի ու ընթերցողների անունից շնորհավորում է Նանի Բրեգվաձեին հոբելյանի առթիվ, մաղթում երջանկություն, երկարակեցություն եւ ստեղծագործական նորանոր բարձունքներ երգարվեստում:



ԹՈՒՐԲԻԱ

ՀԱՇՎԵՀԱՐԴԱՐ՝ ՀԵՂԱՇՐՋՄԱՆ ՄԱՍՆԱԿԻՑՆԵՐԻ ԴԵՍ

Ինչպես արդեն հաղորդել էինք, հուլիսի 15-ի լույս 16-ի գիշերը Թուրքիայում մի խումբ ապստամբներ փորձեցին ռազմական հեղաշրջում իրականացնել: Հեղաշրջման փորձը տապալվեց: Երկրի ղեկավարությունը հայտարարել է, որ ապստամբությունը ճնշվել է: Վերջին տվյալներով, իրադարձության հետեւանքով զոհվել է 246 մարդ, իսկ 2185-ը վնասվածքներ են ստացել: Հեղաշրջման փորձ կազմակերպելու համար, մեղադրվում է Թուրքիայում արդի իսլամի գաղափարախոսության հիմնադիր, ամերիկաբնակ Ֆեթուլլահ Գյուլենը: Պաշտոնական տվյալներով, այդ օրից ի վեր երկրում ձերբակալվել է 13.000 մարդ, այդ թվում՝ նաեւ ոստիկաններ, դատավորներ, զինվորականներ, լրագրողներ...: Աշխատանքից հեռացվել է ավելի քան 45.000 պետական աշխատող:

ԵՎՐԱՄԻՈՒԹՅՈՒՆ

ԹՈՒՐԲԻԱՅՈՒՄ ՄԱՀԱՊԱՏԺԻ ՎԵՐԱԿԱՆԳՆՈՒՄԸ ԿԸՆԴՀԱՏԻ ԲԱՆԱԿՑՈՒԹՅՈՒՆՆԵՐԸ

- Եթե Թուրքիան վերականգնի մահապատիժը, ապա Եվրամիությունը նրա հետ բանակցությունները կընդհատի,- այդ մասին հայտարարեց Եվրահամձեմաժողովի նախագահ Ժան Կլոդ Յունկերը եւ հավելեց,- Եվրամիությունում այն երկիրը, որտեղ օրենսդրական զինարանում պահպանում է մահապատիժը, տեղ չունի:

ՖՐԱՆՍԻԱ

ԳԼԽԱՏԵՑԻՆ ՔԱՅԱՆԱ ԺԱԿ ՀԱՍՈՒԼԻՆ

Վերջին երկու շաբաթվա ընթացքում, Արեւմտյան Եվրոպայի տարբեր երկրներում իրականացված ահաբեկչական գործողությունների արդյունքում, զոհվել է շուրջ 150 եւ վիրավորվել՝ ավելի քան 200 մարդ: Տեղի ունեցածի պատասխանատվությունը ստանձնել է «Իսլամական պետություն» ահաբեկչական կազմակերպությունը:

Ֆրանսիայի Նիս քաղաքում տեղի ունեցած ահաբեկչական գործողությունից անմիջապես հետո, հունիսի 26-ին հերթական միջադեպը գրանցվեց Զյուսիսային Ֆրանսիայի Փոքր Սեն-Էտիեն Դու Ռուվրե քաղաքում: Փարիզից 100 կիլոմետր հեռավորության վրա գտնվող քաղաքի եկեղեցիներից մեկում երկու իսլամիստ ահաբեկիչներ սառը զենքի սպառնալիքով պատանդ վերցրին իհնգ մարդու, սպանեցին 85-ամյա քահանա Ժակ Համուլին: Այս ակտի պատասխանատվությունը ստանձնել է վերոնշյալ կազմակերպությունը:

ԱՄՆ

Հ.ՔԼԻՆԹՈՆԸ ԵՎ Դ.ԹՐԱՄՓԸ ՆԱԽԱԳԱՐՅԻ ԹԵԿՆԱԾՈՒՆԵՐ

ԱՄՆ-ի նախկին պետքարտուղար Հիլլարի Քլինթոնը պաշտոնապես դարձավ ԱՄՆ-ի նախագահի թեկնածու Դեմոկրատական կուսակցությունից: Հ.Քլինթոնը դարձավ առաջին կինը, որը առաջադրվել է ԱՄՆ-ի նախագահության թեկնածու:

Իսկ երկրորդ թեկնածուն ամերիկացի միլիարդատեր, Հանրապետական կուսակցությունից առաջադրված Դոնալդ Թրամփն է:

Հիշեցնենք, որ ԱՄՆ նախագահական ընտրությունները կանցկացվեն ընթացիկ տարվա նոյեմբերի 8-ին:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԻՐԱՎԱԿԱՆ

ՕՐԱԿԱՐԳՈՒՄ ԴԱՏԱՎՈՐՆԵՐԻ ՆԿԱՏԱՄԱՐ ԳՈՐԾԱԴՐԱԾ ՃՆՇՄԱՆ ԹԵՄԱՆ ԷՐ

(Սկիզբը՝ 1-ին էջում)


մապատասխանորեն արձագանքել վտանգավոր միտումներին, պետք է հանդիպում անցկացնել վարչապետի ու խորհրդարանի նախագահի հետ: Ըստ նախագահի, «վտանգավոր միտումներ» հասկացողության ներքո ինքը նկատի ունի այն հանգամանքը եւ «քաղաքական որոշակի խմբի մոտ ծագում են ոչ պաշտոնական կապեր իրավապահ եւ մյուս կառույցների հետ, ու այդ միտումը օգտագործվում է քաղաքական նպատակներով: «Ցանկանում են ընդգծել, որ վարչապետը բացարձակապես կապված չէ այդ ամենի հետ, սակայն նկատվում են առանձին կապերի ստեղծման միտումներ: Ելնելով դրանից՝ որպեսզի մեզանում ընտրություններն անցկացվեն իրավական եւ հանգիստ պայմաններում, լինեն ժողովր-

դավարական, որպեսզի պաշտպանենք պետական ինստիտուտները, ես պատրաստ եմ հանդիպել վարչապետի եւ խորհրդարանի նախագահի հետ, որպեսզի այդ վտանգավոր միտումներին կարողանանք տալ համապատասխան եւ մտածված պատասխան»,- հայտարարեց Գիորգի Մարգվելաշվիլին եւ հավելեց, որ իրավական առումով նման բռնության է ենթարկվել նաեւ իր ընտանիքի անդամը, որի տանը ապօրինի խուզարկություն է կատարվել:

Վրաստանի վարչապետ Գիորգի Կվիրիկաշվիլին եւս հանդիպում ունեցավ Վրաստանի Սահմանադրական դատարանի նախագահ Գիորգի Պապուաշվիլի հետ: Հանդիպմանը Սահմանադրական դատարանի նախագահը վարչապետին մանրամասն տեղեկատվություն ներկայացրեց տեղի ունեցածի վերաբերյալ:

Հանդիպման ավարտից հետո, Գիորգի

Կվիրիկաշվիլին հայտարարեց, որ ինքը պատրաստ է հանդիպել նախագահի հետ: Անդրադառնալով նախագահի ընտանիքի անդամի նկատմամբ ցուցաբերած բռնության փաստին՝ կառավարության ղեկավարը հայտարարեց, որ ինքը բացառում է այդ հարցում շանտաժն ու քաղաքական բաղադրիչը, թեպետ, միեւնույն է, ինքը ներքին գործերի նախարարից պահանջել է համապատասխան բացատրություններ: «Կարծում եմ, որ քաղաքական հայտարարություններ անելուց առաջ, թե՛ ես, թե՛ նախագահը եւ թե՛ Սահմանադրական դատարանի նախագահը, պարտավոր ենք նախ համապատասխան տեղեկատվությունը ներկայացնել իրավապահ մարմիններին: Օրենքի առջեւ բոլորս հավասար ենք»,- հայտարարեց Գիորգի Կվիրիկաշվիլին:



ՀԱՆՐԱՊԵՏԱԿԱՆՆԵՐՆ ԱԶԱՏԵՑԻՆ ՆԱԽԱՐԱՐԱԿԱՆ ԲԱԶԿԱԹՈՒՆԵՐԸ

Հունիսի 28-ին Հանրապետական կուսակցությունից պաշտպանության նախարար Թինա խիդաշելին եւ հաշտեցման ու քաղաքացիական իրավահավասարության հարցերով պետնախարար Պաատա Ջաքարեիշվիլին դիմեցին վարչապետ Գիորգի Կվիրիկաշվիլիին՝ օգոստոսի 1-ից զբաղեցրած պաշտոնից ազատելու խնդրագրով:

Վրաստանի վարչապետ Գիորգի Կվիրիկաշվիլին բավարարեց նրանց պաշտոնաթողության խնդրանքը:

Նշենք, որ զբաղեցրած պաշտոններից Թինա խիդաշելու եւ Պաատա Ջաքարեիշվիլու պաշտոնաթողության անհրաժեշտությունը ծագել էր «Վրացական երազանք» կուլիցիայի տրոհումից եւ հոկտեմբերի 8-ին կայանալիք խորհրդարանական ընտրություններից առաջ, նախընտրական արշավն սկսելուց հետո:

Նրանց փոխարինողների հարցով, «Վրացական երազանք-ժողովրդավարական Վրաստան» կառավարող կուսակցությունը խորհրդատվություններ է անցկացնում:

ԹՈՒՉԱՔԱ-ՎԱՅՐԵՋՔԱՅԻՆ ՆՈՐ ԳՈՏԻ՝ ԹԲԻԼԻՍԻ ՕԴԱՆԱԿԱԿԱՅԱՆՈՒՄ

Թբիլիսիի միջազգային օդանավակայանում բացվեց թռիչքա-վայրէջքային նոր գոտի, եւ այսուհետեւ օդանավակայանը կկարողանա ընդունել ցանկացած տիպի եւ չափի օդանավեր: Նոր գոտին շարք մտնելուց հետո, վերանում են ցերեկային ժամերին ինքնաթիռների ընդունման եւ ճանապարհման՝ ավելի վաղ գործող բոլոր սահմանափակումները, եւ Վրաստանի գլխավոր օդանավակայանը վերադառնում է աշխատանքի 24-ժամյա ռեժիմի:

Թռիչքա-վայրէջքային գոտու վերականգնման աշխատանքների համար ծախսվել է ավելի քան 70 միլիոն լարի:

ԻՆՔՆԱՅՈՉԱԿ ԱՐԱԶԻԱՅԻ ՎԱՐՉԱՊԵՏԻ ՀՐԱԺԱՐԱԿԱՆԸ

Աբխազիայի ինքնահռչակ հանրապետության նախագահ Ռաուլ Խաչիմբաև ընդունել է երկրի վարչապետ Արթուր Միկվաբիայի հրաժարականի դիմումը: Նախագահի մեկ այլ հրամանով վարչապետ է նշանակվել առաջին փոխվարչապետ Շամիլ Ածիմբաև: Համաձայն կառավարության հայտնած տեղեկատվության, ներկայիս կառավարությունը կշարունակի իրականացնել իր պարտականությունները մինչեւ նոր կառավարության ձևավորումը:

ԱՎՏՈՎՈՐ՝ ՄԱՐԴԱՅԻՆ ՋՈՐՇԵՐՈՎ

Քութայիսի-Սամտրեդիա նոր տարանցիկ ճանապարհահատվածում տեղի ունեցած ավտոճանապարհային պատահարը դարձավ մարդկային զոհերի պատճառ: Վթարի զոհ են դարձել մի ընտանիքի երեք անդամներ՝ ամուսիններ Նուցա Կալանդարիան ու Գիորգի Պապասկերին, նրանց ազգական Աննա Չխաիձեն:

Վթարի արդյունքում, մարմնական վնասվածքներ են ստացել Վրաստանի ռեզերվի ազգային հավաքականի առաջատար անդամներ Սերաբ Կվիրիկաշվիլին եւ Գիորգի Լոմինաձեն ու նրանց կանայք: Տուժվածներին տեղափոխել են Քութայիսիի եւ Սամտրեդիայի հիվանդանոցներ:

ԹԵԱ ԾՈՒԼՈՒԿԱՆԻ. «ՄԻՆԶ ՕՐՍ ՍԱՀՄԱՆԱԴՐԱԿԱՆ ԴԱՏԱՐԱՆԻ ԴԱՏԱՎՈՐՆԵՐԻՑ ԸՆՇՄԱՆ ՄԱՍԻՆ ՈՉ ՄԻ ԲՈՂՈՔ ԶԻ ԵՂԵԼ»



Վրաստանի արդարադատության նախարար Թեա Ծուլուկիանին ողջունեց Սահմանադրական դատարանի դատավորների կողմից դատախազությանը տեղեկատվությունը ներկայացնելու պատրաստակամությունը: Նա հուսով է, որ Սահմանադրական դատարանի նախագահը եւս կհետևի իր գործընկերների օրինակին եւ ցուցմունքներ կտա հետաքննչական մարմնին:

«Մինչ օրս մենք դատավորներից ցուցաբերած ճշման մասին ոչ մի բոլոր չի եղել: Հուսով եմ, որ տեղի ունեցածի վերաբերյալ տեղեկատվությունը հետաքննչական մարմինները կստանան կոնկրետ դիմումի կարգով եւ ոչ թե ընդհանուր հայտարարություններով»,- հայտարարեց Թեա Ծուլուկիանին:

Արդարադատության նախարարը գտնում է, որ Սահմանադ-

րական դատարանի նախագահ Գիորգի Պապուաշվիլին ձգտում է ինչ-որ կերպ պահպանել պաշտոնը մինչեւ մանդատի լիազորությունների ավարտը: «Կցանկանայի, որ նման նշանակալից ինստիտուտի ղեկավար, ինչպիսին Սահմանադրական դատարանի նախագահն է, երբ բարձրաձայն հայտարարություններ է անում, համապատասխան դիմումով դիմեր հետաքննչական մարմիններին»,- հայտարարեց Թեա Ծուլուկիանին:

ՖԻՆԱՆՍՆԵՐ

ՀԱՆԴԻՊՈՒՄ ԲԻԶՆԵՍ-ՍԵԿՏՈՐԻ ՆԵՐԿԱՅԱՑՈՒՑԻՉՆԵՐԻ ՀԵՏ

Հունիսի 25-ին Վրաստանի ֆինանսների նախարար Նոդար Խադուրին մասնակցեց Վրաստանի գործատուների ասոցիացիայի եւ Վրաստանի ձեռներեցների դաշնության նախաձեռնությամբ անցկացված բիզնես-սեկտորի ներկայացուցիչների հետ հանդիպմանը:

Հանդիպմանը ներկա էին ընկերությունների ներկայացուցիչները, ասոցիացիայի անդամներն ու գործընկերները: Հանդիպմանը քննարկվեցին տեղական արտադրության հիմնախնդիրների, մաքսային եւ հարկային ոլորտում կատարված օրենսդրական փոփոխությունների եւ նախաձեռնությունների հետ առնչվող հարցեր:

Ֆինանսների նախարարը հանդիպման մասնակիցներին ծանոթացրեց ԱՄՆ-ի զարգացման միջազգային գործակա-

լության «Կառավարում զարգացման համար» նախագծի շրջանակներում անցկացված ուսումնասիրության արդյունքները, որոնք իրականացվել են դրամաշնորհի շրջանակներում: Նախարարը պատրաստակամություն հայտնեց շարունակել ակտիվ երկխոսությունը բիզնեսի ներկայացուցիչների հետ: «Կարծում եմ, որ հետաքրքիր երկխոսություն ստացվեց, խոսեցինք առկա հիմնախն-



դիրների եւ դրանց լուծման ուղիների մասին: Մենք գործարարներին խոստացանք, որ կուսումնասիրենք այդ հարցերը, թեպետ կան հարցեր, որոնք պահանջում են օրենսդրական միջամտություն»,- հայտարարեց Նոդար Խադուրին:

ԿՐԹԱԿԱՆ

ԹԱՄԱՐ ՍԱՆԻԿԻՁԵՆ՝ ԿՐԹՈՒԹՅԱՆ ՈՐԱԿԻ ԶԱՐԳԱՅՄԱՆ ԿԵՆՏՐՈՆԻ ՂԵԿԱՎԱՐ



Ինչպես հայտարարեց Ջեյեղավան, ներկայումս ընթացքի մեջ է տեխնիկական հարցերի կարգավորումը:

Վրաստանի կրթության եւ գիտության նախկին նախարար Թամար Սանիկիձեն կզխավորի կրթության որակի զարգացման ազգային կենտրոնը: Այդ տեղեկատվությունը հաստատեց Վրաստանի կրթության եւ գիտության նախարար Ալեքսանդր Ջեյեղավան:

«Ես եւ Թամար Սանիկիձեն հանդիպեցինք: Խոսքը վերաբերում էր կրթության որակի ազգային կենտրոնին, որը կրթության նախարարության նշանակալից հաստատություններից մեկն է: Տիկին Թամարը մոտ օրերս կսկսի այդ պաշտոնում աշխատանքը»,- ասաց նա-

խարարը եւ հավելեց. «Ուրախ եմ, որ կրթության նախկին եւ գործող նախարարները շարունակում են համագործակցությունը, եւ այնպիսի թանկարժեք մենեջերային ռեսուրսը, ինչպիսին Թամար Սանիկիձեն է, կշարունակի մեզ հետ աշխատանքը»:

ԴՊՐՈՅՆԵՐՈՒՄ ՆԵՐԴՐՎՈՒՄ Է ՄԱՍՆԱԳԻՏԱԿԱՆ ԶԱՐԳԱՅՄԱՆ ԾՐԱԳԻՐ

Վրաստանի հանրային դպրոցներում փուլ առ փուլ ներդրվելու է մասնագիտական զարգացման ծրագիր, որը 10-12-րդ դասարանի աշակերտներին, ինչպես նաեւ մյուս ցանկացողներին կօգնի ընտրելու ցանկալի մասնագիտություն եւ անցնելու նախապատրաստական դասընթացներ:

Նախապատրաստական դասընթացները կսկսվեն սեպտեմբերից եւ կանցկացվեն հետեւյալ մասնագիտություններ-

րով՝ էլեկտրիկ, խառատ, սանտեխնիկ, եռակցող: Դասընթացները կանցկացվեն արդի տեխնիկայով հագեցված ար-

հեստանոցներում: Ամառվա ընթացքում կավարտվեն աշակերտների առաջին հոսքի ընդունման նախապատրաստական աշխատանքները: Մասնավարժները կանցնեն համապատասխան վարժանքներ:

Մասնագիտական կրթության ծրագրում հաջորդ ուսումնական տարվա ընթաց-

քում կներառվեն 70 աշակերտներ: Դասընթացի ավարտից հետո, նրանք կարող են աշխատանք գտնել տեղի աշխատանքային շուկայում:

Նշենք, որ նախագծի փորձնական իրականացումն անցկացվում է Քարելիի շրջանի Ագրա ավանի հանրային դպրոցում:

ՇՆՈՐՅԱՆԴԵՍ

ԵԿԱՄՈՒՏՆԵՐԻ ԾԱՌԱՅՈՒԹՅԱՆ ԳՈՐԾՈՒՆԵՈՒԹՅԱՆ ԴՐԱԿԱՆ ԳՆԱՀԱՏԱԿԱՆԸ



«Թբիլիսի Ռուսի» հյուրանոցում, Ամերիկայի Միացյալ Նահանգների միջազգային զարգացման գործակալության «Կառավարումը զարգացման համար» (USAID G4G) նախագծի շրջանակներում, եկամուտների ծառայության ներկայացուցիչների մասնակցությամբ, CRRC Վրաստանի կողմից, USAID G4G-ի դրամաշնորհային ծրագրի շրջանակներում, անցկացվեց մշակված «Վրաստանում բիզնեսի վերաբերմունքը հարկային համակարգի նկատմամբ» ուսումնասիրության շնորհանդեսը:



Շնորհանդեսին ներկա էին գործարար շրջանների, կառավարական կառույցների եւ լրատվամիջոցների ներկայացուցիչները:

«Մեզ՝ եկամուտների ծառայության համար, նշանակալի է իմանալ, թե ինչ վերաբերմունք ունի մեր ռազմավարական գործընկերը, բիզնեսը, հարկային վարչարարության եւ, ընդհանուր առմամբ, եկամուտների գործունեության նկատմամբ, իսկ վերանշյալ ուսումնասիրության նպատակն անմիջականորեն ծառայում էր բիզնեսի վերաբերմունքի սահմանմանը, վերլուծությանն ու գնահատմանը»,- «Թբիլիսի Ռուսի» հյուրանոցում կայացած շնորհանդեսին հայտարարեց ֆինանսների նախարարության, եկամուտների ծառայության պետ Գիորգի Թաբուկաշվիլին:

«Վրաստանում բիզնեսի վերաբերմունքը հարկային համակարգի նկատմամբ» ուսումնասիրության արդյունքների համաձայն, հարցման ենթարկված ընկերությունների վերաբերմունքը, եկամուտների ծառայության գործունեության եւ նրա մատու-

ցած ծառայությունների նկատմամբ մեծ մասամբ դրական է, թեպետ հարցման ենթարկվածների մեծ մասը արտահայտվեց հարկային օրենսդրության բարելավման օգտին: Հատկանշական է, որ հարկային ստուգումների համար ծախսված ժամանակի եւ տուգանքների քա-

նակությունը բացասական ազդեցություն չեն գործել ընկերությունների կողմից համակարգի ընդհանուր գնահատականի վրա: Բավականին դրական գնահատվեցին նաեւ եկամուտների ծառայության կողմից մատուցվող սպասարկումները: Առանձնացվեցին առանձին սպասարկումներ, որոնք առավել ակտիվորեն օգտագործվում են արտադրությունների կողմից: Մասնավորապես, թե՛ գծը (2299 999), էլեկտրոնային փոստը եւ սերվիս-կենտրոնի սպասարկումը, նաեւ նախօրոք հռչակագրումը, այսինքն՝ փաստաթղթի ձեւակերպումն անմիջականորեն տնտեսական գոտի առաքելով եւ ապրանքի մաքսային հռչակագրում հակիրճ տեքստային ծանուցման միջոցով:

Շնորհանդեսից հետո անցկացվեց բանավեճ՝ հարցուպատասխանի ձեւով: Ուսումնասիրման արդյունքներին կարող եք ծանոթանալ եկամուտների ծառայության կայք-էջում:

Ֆինանսների նախարարության եկամուտների ծառայություն

ԲԱՅԱՀԱՅՏՎԵԼ Է ՀԱՐԿԱՅԻՆ ԻՐԱՎԱՆԱԽՏՄԱՆ 1152 ՓԱՍՏ

Յուլիսի 18-ից 24-ը ներառյալ, հարկային մոնիտորինգի դեպարտամենտի կողմից երկրի մասշտաբով իրականացված ընթացիկ վերահսկողության միջոցառումների արդյունքում, բացահայտվել է հարկային իրավախախտման 1152 փաստ:

Մասնավորապես, եկամուտների ծառայության հարկային մոնիտորինգի դեպարտամենտի աշխատակիցների կողմից ստուգվել է 7839 հարկատու: Ստուգման արդյունքում, բացահայտվել են հետեւյալ հարկային իրավախախտումները, առանց ապրանքագրի ապրանքի փոխադրման 50 փաստ,

տնտեսական գործունեության համար հարկի վճարման Վրաստանի օրենսդրությամբ սահմանված կարգի խախտման 190 դեպք սպառողներին կանխիկ գումարով առանց գանձարկղային վերահսկիչ սարքի օգտագործման 912 փաստ:

ՀԻՒԱ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՔՐԵԱԿԱՆ ՔՐՈՆԻԿԱ

Հետաքննության տվյալներով, 2016 թվականի ապրիլի 3-ին, հարբած Էդուարդ Պապայանի եւ նրա կնոջ միջեւ վեճ էր ծագել, որի ընթացքում ամուսինը դանակով 18 հարված էր հասցրել կնոջը՝ Պայծառին, որը տեղում մահացել էր: Միջադեպը տեղի է ունեցել Վարկեթիլի Ծուլուկիձեի փողոցում գտնվող տանը:

Ամուսինը փորձում էր թաքնվել, սակայն, մի քանի ժամ անց, իրավապահներ-

ԱՆՄԵՂ ՊԱՅԾԱՌԸ ԴԱԺԱՆ ԱՄՈՒՄՆՈՒ ԶՈՐ

Մայրաքաղաքի քաղաքային դատարանը Վարկեթիլիում բնակվող Էդուարդ Պապայանին դատապարտեց 10 տարվա բանտարկության՝ կնոջը՝ Պայծառ Պապայանին, դաժանորեն սպանելու համար:

րին հաջողվում է ձերբակալել նրան: Նշենք, որ 2014 թվականից ընտանեկան բռնության հոդվածով՝ որպես առանձին բաժին, ընդգրկվել է Վրաստանի քրե-

ական օրենսգրքում: Ներկայումս ընտանիքի անդամի նկատմամբ բռնությունը համարվում է ծանրացնող հանգամանք: Վրաստանի իշխանությունները օրենսդ-

Սպանված 37-ամյա Օֆելյա Քաչոտյանի հորեղբայր Համլետ Բաղդամյանը հայտարարել է, որ մարդասպանը սպանվածների հարեւան էր, եւ նրանք լավ հարաբերությունների մեջ էին: Նրա խոսքերով, Օֆելյա Քաչոտյանը Նոդար Ակոպովին ծանաչել է ծայրից, եւ այդ պատճառով էլ Ակոպովը նրան հարվածել է բուրձ գործիքով: Ապա դուրս է եկել միջնեկ դուստրը, որին եւս հարվածել է: Ավագ դուստրը, վերցնելով դանակը, վազել է նրանց կողմը,

ՀԱՄԼԵՏ ԲԱՐՈՒՄՅԱՆ. «ԻՆՔՆԱԴԱՏԱՍՏԱՆԸ ԱՐԳԵԼՔԻ ՏԱԿ Է»

«Մարդասպանին օգնում էր մայրը. ինչո՞ւ. Ախալքալաքիում սպանեցին կնոջն ու նրա երեք անչափահաս երեխաներին»: Այս վերտառությամբ «Վրիթիս պալիտրա» շաբաթաթերթը ապրիլի 23-ի համարում իրապարակել է հոդված Ախալքալաքիի Վաչիանի գյուղում տեղ գտած դաժան սպանության մասին: Ասենք նաեւ, որ «Վրաստանը» այդ զարիուրելի ոճագործության մասին գրել էր իր 2016թ. հուլիսի 16-ի համարում:

փորձել է պաշտպանել քրոջը այդ սրիկայից, սակայն Ակոպովը խել է դանակը եւ նրան նույնպես հարվածել է մետաղաձողով: Դիակի վրա կային նաեւ դանակի հետքեր: Կրտսեր որդին մյուս սեն-

յակում էր: Վախեցած երեխան սկսել է գոռալ, որին Ակոպովը խեղդել է բարձով: Կասկածում եմ, որ նրան ուրիշներն են օգնել: Կողոպուտի նպատակով, նա տուն էր մտել

դիմակով, սակայն նրան ծայրից ծանաչեցին, եւ այդ պատճառով էլ վերջինս վերացրեց վկաներին, որից հետո, հետքերը քողարկելու համար, ամեն ինչ վառեց, սակայն տունը մինչեւ վերջ չհասցրեց

այրել: Փողերին ու ոսկե զարդերին չի հասցրել ձեռք տալ: Ինչպես պարզվեց, Նոդար Ակոպովի հետքերը քողարկելու գործում օգնել է Ակոպովի մայրը: Նրանք միասին են դիակները սպաններով փաթաթել: Մայրը խոստովանել է համամասնակցության մեջ, որին եւս ձերբակալել են: «Մենք ցանկանում ենք մարդասպանին ինքնադատաստանի ենթարկել, սակայն մեզ թույլ չեն տալիս», - ասաց Համլետ Բաղդամյանը:

ՍՈՑԻԱԼԱԿԱՆ

ՀԱՐՑՄԱՆ ԱՐԴՅՈՒՆՔՆԵՐԸ՝ ՀԱՆՐՈՒԹՅԱՆ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

(Սկիզբը՝ 1-ին էջում)

յալներով, նշենք, որ ընտրություններին մասնակցելու ցանկություն հայտնածների 57 տոկոսը դեռեւս չի որոշել, թե ում օգտին է քվեարկելու: Դիրքորոշումը հստակ արտահայտել է հարցման ենթարկվածների 38 տոկոսը:

Ընտրություններին մասնակցել ցանկացողների 32 տոկոսը մտադիր է հոկտեմբերի 8-ին քվեարկել «Վրացական երազանքի» օգտին, 26 տոկոսը գերադասությունը տալիս է «Միասնական ազգային շարժմանը», 7 տոկոսը՝ «Հայրենասերների դաշինքին», 6 տոկոսը՝ Պատառ Բուրճուլաձեի «Ժողովրդական պետություն» կուսակցությանը: Հարցման ենթարկվածների 7 տոկոսը հրաժարվեց պատասխանել հարցին, 6 տոկոսը դեռեւս չի որոշել:

72 ՏՈԿՈՍԸ՝ ԵՎՐԱՄՈՒԹՅԱՆ, ԻՍԿ 67 ՏՈԿՈՍԸ՝ ՆԱՏՕ-ԻՆ ԱՆԳԱՍՏԱԿՈՒԹՅԱՆ ԿՈՂՄԱԿԻՑ ԵՆ

ԱՄՆ-ի Ազգային ժողովրդավարական ինստիտուտի (NDI) կողմից անցկացրած հարցումից հետեւում է, որ Վրաստանի քաղաքացիների գրեթե կեսը կարծում է, որ երկիրը պետք է պահպանի արեւմտամետ ուղեգիծը, բայց նաեւ լավ հարաբերություններ ունենա Ռուսաստանի հետ:

Հարցման մասնակիցների 48 տոկոսի կարծիքով, Վրաստանը պետք է ունենա արեւմտամետ ուղեգիծ եւ, միեւնոյն ժամանակ, լավ հարաբերություններ պահպանի Ռուսաստանի հետ: Մարտ ամսին այս հարցին դրականորեն է պատասխանել հարցվածների 52 տոկոսը:

Հարցման տվյալների համաձայն, հարցվածների 72 տոկոսը հավանություն է տալիս ԵՄ-ին երկրի անդամակցությանը, ըստ որում՝ 64 տոկոսը կարծում է, որ Եվրամիության հետ այցեգրային ռեժիմի ազատականացումը մեծ օգուտ կբերի: ՆԱՏՕ-ին ինտեգրվելու հավանություն է տալիս հարցման մասնակիցների 68 տոկոսը:

ԱՐԶԱԳԱՆԸ

NDI-Ի ՏՎՅԱԼՆԵՐԻՆ ԶԵՆ ՎԱՏԱՅՈՒՄ

«Վրացական երազանքի» քաղխորհրդի անդամ, մարդու իրավունքների պաշտպանության հարցերով խորհրդարանական կոմիտեի նախագահ Էկա Բեսելիան համոզված է, որ Վրաստանի բնակչության մեծ մասը չի հավատում NDI-ի սոցիալական հարցման արդյունքներին:



- NDI-ի հարցման մեջ ուշադրություն դարձրի այն բանի վրա, որ հարցման ենթարկվածների 70 տոկոսը մտադիր է մասնակցել ընտրություններին: Դա լավ ցուցանիշ է: Բացի այդ, հարցման ենթարկվածների մեծ մասը հայտարարել են, որ կքվեարկեն «Վրացական երազանքի» օգ-

տին: Եվ եթե հաշվի առնենք իրենց ընտրությունը դեռեւս չհստակեցրած ընտրողների քանակը, որը կազմում է մոտ 60 տոկոս, ընտրություններին կստանանք բացարձակապես այլ արդյունք,- ասաց Էկա Բեսելիան:

ԱՐԴՅՈՒՆՔՆԵՐԸ ՀԱՄԸՆԿՆՈՒՄ ԵՆ ՎԻՃԱԿԱԳՐԱԿԱՆ ՏՎՅԱԼՆԵՐԻ ՀԵՏ



«Միասնական ազգային շարժման» անդամ Ռոման Գոցիրիձեն, արձագանքելով NDI-ի հարցմանը, նշեց, որ դրա արդյունքները համընկնում են Վրաստանի վճակագրության ազգային ծառայության պաշտոնական տվյալների հետ:

Նրա խոսքերով, իշխանությունները չկարողացան հաղթահարել բնակչության առջեւ ծառացած եւ ոչ մի հիմնախնդիր, ուստի եւ, սույն հիմնախնդիրների պայմաններում չէին էլ կարող հասնել այլ արդյունքների:

- Հարցման արդյունքները ցույց են տալիս, որ անցած վեց ամսվա ընթացքում երկրում գրանցվել է ընդամենը 2 տոկոսի տնտեսական աճ: Ցավոք, դա շատ վատ ցուցանիշ է: Երկրում տնտեսական վիճակը ծանր է, իշխանությունները չկարողացան հաղթահարել ժողովրդի առջեւ ծառացած հիմնախնդիրները,- ասաց Ռոման Գոցիրիձեն: